

ըութեան կողմն է և այդպէս էլ կը մնայ, որովհետեւ փորձած և իմաստուն հայ ժողովուրդը աւանտիւրիստների յետեից չի գնայ: Ինչ վերաբերում է ձեր այն ստին, որ գիւղացիական գանգաւածները բռնած են քաղաքացիական կռուով, պիտի ասեմ, որ հայ գիւղացին դատարկ բաներով զբաղւող չէ: Մեր կողմից ոչ ոք ձեզ չի լիազօրել միջնորդի դեր ստանձնելու, որովհետեւ մենք ո'չ բանակցութիւններ ենք վարում բախտախնդիր մարդկանց հետ և ոչ էլ ձեզ նման միջնորդի կարիք ունենք. մեր խնկական ներկայացուցիչներին չուսով կը տեսնէք Ալեքսանդրապոլում: Եթէ հայ արիւն է թափում, մենք գիտենք, թէ ում յանցանքի պատճառով է այդ»:

Եւ, յերաւել, ապստամբների վիճակը լաւ չէր Ալեքսանդրապոլում: Շարժման սկզբին նրանց էր յարել և զօրքի մի մասը: Սպայութիւնը՝ զօրքի ամբողջութիւնը փրկելու և ներքին կռիւների պատճառ չտալու հաշւով՝ նոյնպէս ճանաչել էր ռազմա-յեղափոխական կոմիտէի իշխանութիւնը: Բանակին իր կողմը դրաւելուց յետոյ՝ ռազմա-յեղափոխական կոմիտէին իր իշխանութիւնը տարածել էր և քաղաքի վրա, ուր հին պաշտօնէութիւնը յայտարարել էր հեռացած և ներքին գործոց կոմիսար Մեղրոնեանի կողմից նշանակւած էին նոր կոմիսարներ. անասնաբոյժ Պրիբիսկի՝ ինքնապաշտպանութեան շտաբի պետ. Սիկորսկի՝ թնդանօթածիղկների կոմիսար. Ամատունի (հնչակեան)՝ քաղաքային միլիցիայի պետ. Լեոն Սարգսեան՝ պարենատրման կոմիսար. Կօչուրինսկի՝ Կաղաչի Պոստի պետ և այլն: Այս կոմիսարները փաստօրէն ո'չ մի ազդեցութիւն չունէին, որովհետեւ քաղաքի ազգաբնակչութիւնը հէնց սկզբի օրերից թշնամական դիրք բռնեց դէպի ըմբոստները: Բազմամարդ ժողովների մէջ քաղաքացիները դատապարտեցին խռովարարներին ընթացքը և նոյնիսկ փորձեր արին դրաւելու կայարանը, բայց զրահապատի թնդանօթները արգելք եղան: Քաղաքացիների այս վերաբերումը անդրադարձաւ և զօրքի տրամադրութեան վրա: Հետզհետէ ամենքը տեսան, որ ապստամբները, իրօք, մի խումբ բախտախնդիրներ են, որոնց ոյժն ու իշխանութիւնը զրահապատի սահմաններից դուրս չի տարածւում:

Ա. Մեղրոնեանի փորձի վիժումից յետոյ ապստամբները Լ. Սարգսեանից ու Հ. Զոլախեանից կազմւած յատուկ պատւիրակութիւն ուղարկեցին կառավարական զօրամասի հրամանատարի մօտ: Պատւիրակութիւնը խնդրեց յառաջիադացումը դադարեցնել և իրեն արտօնութիւն տալ գնալու Երևան՝ կառավարութեան հետ բանակցելու համար: Զօրամասի պետը, կառավարութեան հրահանգն ստանալուց յետոյ, յայտնեց, որ ինքը լիազօրութիւն ունի հարցը տեղն ու տեղը վճռելու և յառաջիադացումը չի կանգնեցնի, սակայն, պատրաստ է հարցը առանց կռիւ լուծելու՝ պայմանով, որ ամենաուշը մինչև մայիսի 14-ի առաւօտեան ժամը 6 ռազմա-յեղափոխական կոմիտէն անձնատուր լինի և զրահապատ գնացքը յանձնէ անվնաս:

Մայիս 13-ի գիշերը ապստամբները թողին զրահագնացքը և փախան՝ ոմանք դէպի Ալլարա՝ թուրքերի մօտ, ոմանք պահւնցին քաղաքում: Մայիս 14-ի առաւօտեան հանրապետական զօրքերը, առանց կռիւ, մտան քաղաք և խանդավառ ընդունելութիւն գտան ազգաբնակչութեան կողմից: «Վարդան